



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Sacramento confirmationis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Quæ pertinent ad Sacramenti Confirmationis
administratiōem.

S V M M A R I V M .

- 1 Administratiōis Sacramenti huius dies denunciandus .
- 2 Eius vis à parochō explicanda, & quā ratione. Et de Sacramentis in genere, & Sacramental. 8.
- 3 Instruendusq; populus, quā religione illud suscipiendum. 4. 12.
- 4 Quo tempore, dieve ipsa instructio faciendā à parochis urbanis.
- 5 Vt ab omnibus illud suscipiatur, parochi cura. 8.
- 6 Suscipere negligens, cui pœnæ subiaceat.
- 7 Negligenti huius, vt occurratur, quid faciat parochus.
- 8 Orationem etiā instituat, & ad quem finem 9.
- 10 Adultis, vt de peccatis confiteantur, & c. eiusdem cura.
- 11 Vt confirmandi, pridie caput lauent .
- 12 Cetera instructiōe eo nomine comprehensa, ab eodem denuncianda.
- 13 Parochi diœcesani, urbanis parochis præscripta, in monendo, docendoque populo, de huius Sacramenti susceptione exequantur, & quando.
- 14 Pentecostes sollemnitate id ab Episcopo ministrandum.
- 15 Paschæ etiam Resurrectionis, Aduentus, & Visitationis tempore conferendum, & ubi. 22.
- Quo ordine. 23. Quā hora. 24.
- 16 Infirmis confirmari petentibus ministrandum.
- 17 Non tamen alienæ diœcesis hominibus.
- 18 Neque minori septennio.
- 19 Nisi ob iustam causam aliter Episcopus censuerit .
- 20 Minoribus confirmatis, quod officium parochi erga parentes.
- 21 Confirmandi, & patrini, orationem Dominicam, Angelicam salutationem, & Symbolum fidei non ignorent .
- Ea in re Episcopi, & parochi cura.
- Compates cuius ætatis sint. Quæ pert. ad Sacr. Baptif. 14.
- Adolescentes senioribus.
- 25 Mares fœminis, & Maribus fœminis. & Compates non sint citrà necessitatē. 26.
- 27 Compater, vt confirmandum minorem, adultumque teneat.
- Confirmandi, & presentes deuotè adsint, quidque secum repitent.
- 28 Patrini, ceteriq; &
- 29 Ab ipsis compatribus nihil confirmatis, nec eorum parentibus largiendum, & quare .

- 30 Turpe nomen habentibus in confirmatione mutandum.
- 31 Confirmati frons bombyce, & aqua abstergenda.
- 32 Aqua ipsa in sacrarium proijcienda.
- 33 Confirmati, & compadres in librum à parochio referendi.

1 Parochi in ecclesia ante denuncient tempus, quo sacrum Chrisma ministrandum erit.

2 Eos, qui confirmandi sint, eius Sacramenti vim, ac virtutem edoceant.

3 De Sacramento etiam Chrismatum populum instruant (parochi scilicet, & Concionatores) in illis Pentecostes diebus, quibus potissimum ab Episcopo id Sacramentum solenniter ministrari solet.

Parochi autem id omne instruendi populi officium præstent ad præscriptæ instructionis normam, quæ eo nomine cura nostra cõficietur ad communem prouinciæ usum.

4 Parochi, animarum uel curatores, qui in Vrbe sunt, die Dominico Pentecostis solennitatem præcedente, populum doceant, quanto religionis studio suscipiendum sit Confirmationis Sacramentum, cuius ministrandi solus Episcopus ordinariam potestatem habet.

5 Videant item, ne quis eorum, qui sibi in curam traditi sunt, illud suscipere negligat.

Quare præmoneant, quod etiã Concilij Vuormatiensis Canone sancitum est, ut quicumque intrã parochiæ suæ fines habitant, neque confirmati adhuc sunt, illud omnes suscipiant, qui ætate sunt, qua Episcopus eos duxerit esse debere, qui ad hoc Sacramentum tunc accedant.

6 Si quis verò neglexerit, Canonicis subiaceat disciplinis.

7 Parochus aliquot ante diebus, quã Episcopus ministraturus sit hoc Sacramentum, ut nemo quisquam eorum, qui suæ curæ concrediti sunt, illud suscipere negligat, illos per familias distinctè, rectè que notet, qui illud nondum susceperint: ac qui ætate sint ab Episcopo præscripta, ordine in ecclesiam uocet ad id ritè, religioseque suscipiendum.

8 Eiusdem cura sit, paucis ante diebus, quam Episcopus Sacramentum hoc ministret, non solum fideles præmonere, quæ Concilio prouinciali quarto præscripta sunt: sed etiam in parochiali ecclesia orationem eo nomine instituere, ut, qui nondum confirmati, ad id accesserint, adiutrice diuina gratia, digni sint, qui Spiritus sancti donauerrimè recipiant.

10 Elaborent præterea idem, ut, qui adulta ætate, confirmandi sunt, primo de peccatis confiteantur, tum etiam admoncant, ut ieiuni, illud

Primũ quæ pert. ad Sacr. Cõfir. admi. Ibidem.

3. quæ ad Cõcionat. pert.

4. quæ pert. ad Sacr. Confirm.

5. quæ ad Cõfir. Sacr. pert. 6. idem aliquot.

5. vt supra.

lud suscipiant, cum mane ministratur.

4. vt supra.

11 Neque hoc quidem is denūciare omittat, vt, qui proximè confirmationem suscepturi sunt, pridie illius diei, quo suscipient, caput lauent, aliove modo mundent, capillosque sibi tonderi curent.

Primum dicitur
per n. 12
C. de
id. ibi.

12 Reliqua etiam diligenti cohortatione denūcient, quæ ad hoc Sacramentum, rectè, sanctèque suscipiendum pertinentia, monitionum tabella comprehenduntur, quæ, ad communem prouincie vsum per nos edetur. Quibus monitionibus, pro ratione locorum suæ diocesis, ab Episcopo addi, tum detrahi: rursusque easdem mutari liceat.

C. de
id. ibi.

13 Quæ cuncta diocesani item parochi præstabunt, ita scilicet, vt singuli parochi vniuscuiusque loci, vbi sacrum Chrisma Episcopus ministraturus est, Dominico die hebdomadam illam proximam, qua ministrabit antecedente, cum populum omnia, & singula doceant, ac monent, mox supra parochis, in vrbe commorantibus, præscripta: tum etiam præstari curent.

C. de
id. ibi.

14 Sacrum autem Chrisma, Episcopus, cum id ministrare proprium Episcopalis curæ munus sit, ne stata Pentecostis solennitate id præstare prætermittat, tum ad singulas vniuersæ diocesis partes, parochiasve, & loca, vel infima visitando accurrat, vbi illud ministrari necesse sit.

5. vt supra.

15 Episcopus non solum sacris, solennibusque Pentecostes diebus, sed etiam, si ita Ciuitatis suæ ingens frequentia, multiitudoque postulat, & Paschæ Resurrectionis tempore, & in Aduentu sacro Domini, & quoties visitatione obibat, Sacramentum Confirmationis ministrat: & ob eam causam, vt Concilio Prouinciali quarto cautum est, ad ministrandum sepe accurrat, quibus in locis diocesis opus erit.

Primum de
visitat.

Confirmationis Sacramentum visitationis tempore, vbi opus erit, ministrabunt.

5. vt supra.

16 Quod si quis cum periculosè ægrotat, se Chrismatum Sacramento confirmatum non esse meminerit, ac propterea id sibi ministrari petat; tunc Episcopus si eo loci est, vbi ille ægrotat, vt ne sine hoc Sacramento decedat, cum charitate paterna inuisit, & ritè confirmet.

4. vt supra.

17 Cauere porro, ne cum huius ministrations munus obit, alienæ diocesis hominibus, de iure non exemptis, qui in sua diocesi domicilium iam non constituerint, hoc Sacramentum ministrat, nisi proprii illorum Episcopi concessu, aut assensu scripto.

Quo igitur tempore ministrat, populum ea ipsa de re per parochos premoneri iubeat.

1. ibidem.

18 Minori septennio Confirmationis Sacramentum nemini præbeatur.

5. ibidem.

19 Alio decreto, quod in Concilio Prouinciali primo sancimus, cautum est, ne confirmationis Sacramentum quis præberet, qui annis septem

ptem minores natu sunt: si tamen Episcopus ob aliquam causam iustam, atque adeo necessariam, paruulo, & infanti, qui non modo eam ætatem expleat, sed ne attingat quidem, ministrandum aliquando censuerit, ne sit vetitum.

20. Is verò minoribus natu, atque adeo paruulis, si quandoque ministrabitur, eorum parentes, vel qui curam gerunt, parochus moneat, ut ætate procedente, illos ea de re certiores faciant: ne parentibus, curatoribusve postea morquis, ipsi aliquando dubitent, an hoc Sacramentum, quod iterari nefas est, susceperint. Id verò parochus curet, præter eam diligentiam, qua sibi præscripta est de confirmatis, eorumque comparibus in libro certo describendis.

21. Qui confirmandi sunt, & qui patrini adhibentur, parochus ante videat, quos rudiores esse suspicabitur, an orationem Dominicam, Salutationem Angelicam, & Symbolum norint. Atque ob eam quidem causam Episcopus, illa fidei rudimenta sibi ab illis recitari iubebit. Quam diligentiam idem Episcopus, etiam, ut opus esse viderit, aliquando præstet per se, vel alium sacerdotem, quem in ea re cognoscenda constituerit.

22. Videat item, ut in quacumque Ecclesia confirmationem ministrarit, si pauci sunt, qui suscipiunt, ubi commodè fieri potest, ante altare maius decenter exornatum, semper ministret.

23. Primò mares in ecclesia à parte sua, feminae ab altera sint: sicque separatim distincti, genibus flexis, manibus ante pectus iunctis, suo quique ordine, piè, & religiosè orent: in primisque ab omni strepitu, vociferatione, & inani confabulatione caueant: sed silentio sancto vtantur.

Et quod veteris ritus est, primùm mares, deinde feminae confirmantur, nisi aliquando aliter fieri Episcopus censuerit.

24. Hoc Sacramentum Episcopus ministrare studebit hora tertii potissimum, quæ ex antiquo ritu stat à huius Sacramenti hora est.

25, 26. Vt ne feminis mares, nec verò còtrà, maribus feminae, neque seniores adolescentibus, cum minimè hoc per ætatem conueniat, compariter in confirmationis Sacramento adhibeantur; nisi id aliter necessitas aliquando postulet.

27. Quod antiqui ritus est, id feruetur, ut compater dextera suscipiat, & teneat, quem in hoc Sacramento ministrari Episcopo offert. Si verò, qui offertur, adulta ætate est, pedem suum super dexterum com patris, qui ipsum offert, ponat: id quod non sine mysterij significatione fit. Quam ob causam, & qui confirmatur, & patrinus, tunc coram Episcopo confirmante stet.

28. Dum Sacramentum hoc Episcopus ministrat, non modo, qui illud

1. quæ per
no. sac. Co
adhibentur

2. ut iustit

3. ut iustit

4. ut iustit

5. ut iustit

5. quæ ad Cõ
fir. Sac. pti.

illud suscipiunt, quique eos offerunt, sed omnes, quicumque presentes sacro illi ministerio adsunt, sanctè, pièq; orant, ac summa animi attentione spectent, quod in ea solenni mysterij celebritate peragitur.

Tum verò mente secum reputent, cœlestia illa Spiritus sancti dona, quæ illius Sacramenti virtute fidelibus impartuntur: in primisque tanta meditatione videant, quas in illis ipsi progressiones habeant; anq; vitam agant tanta cœlestium donorum vbertate dignam.

1. quæ pertinet ad Sacramentum Confirmationis administratum.

29 Susceptores in Sacramento Confirmationis, neque ijs, quos susceperint, neque eorum parentibus quibusquam omnino largiantur, ne cuiquam, quod aliquando commissum est, iterandi hoc sacramentum, quod nefas est, occasionem præbeat.

5. vt supra.

30 Curèt etiam Episcopus, ac parochus, vt, qui turpe, ridiculum vè nomen habet, neque planè conueniens Christiano homini, illud mutet, sumatq; in confirmationis sacramento nomen alicuius, qui vere pietatis, sanctæq; religionis laude floruit, vt qui hactenus non ad normam Christi Domini vitam instituit, iam abiecto eius modi nomine, depositoq; veteri homine, & antiqua socordia, rursusq; ac sancto suscepto nomine, vitalem in sanctè agendo constantiam perpetuò deinceps præstet.

De Sacramentis, Can. 9.

31. 32 Confirmati frons, Chrismate ab Episcopo illita, primùm benedictione diligenter à Sacerdote abstergatur: mox à clerico, in sacris constituto, aqua lauetur. Quæ aqua in Baptisterij sacrarium proiciatur.

2. vt sup. §. fi.

33 Omnem diligentiam adhibeant Episcopi, vt qua ratione commodius fieri poterit, Parochi describant confirmatos, & compatres, seruatis ceteris omnibus, quæ de libro baptizatis describendis præscriptimus.

De custodia Sanctæ Eucharistiæ. Deque vasis, & instrumentis ei vsui opportunis.

S V M M A R I V M.

- 1 Quibus in ecclesijs, & altaribus asseruanda.
- 2 Quo in Tabernaculo.
- 3 Eiusdem Tabernaculi forma, & ornatus ex decreto Concilij quarti.
- 4 Altera forma ex instructionibus fabricæ Ecclesiæ cum illius Conopsei formula.
- 5 In eo quid aliud retineri non possit: eiusq; clavis à quo, & vbi custodienda.

Illud